

廟中鬼神速來使百邪詣赤靈丈人受斬死眾邪走千里此是
三天前驅使者赤靈丈人捕鬼之法也

服食忌第三十

仙女程偉妻曰服食靈藥勿食血物使三尸不得去乾肉可耳
鳳綱訣曰道士有疾內視心使生火以燒身及疾處存之要精
如彷彿疾即愈凡痛處如其法必驗也

沈義曰服神藥勿向北方大忌亥子白不得睡損精失氣減折
年命也